



## REGIONALT NÆRINGSFOND HARDANGER.

Vedteke korrigering pr 25.04.2013

### I . Strategisk plan.

#### Bakgrunn:

Hardanger har mellom anna framtidsorientert industri, pulserande kulturliv, spennande reiseliv, spisskompetanse i fruktnæring.

RNH vil styrkja gründerånd og etablerarkompetansen i regionen.

#### Mål:

RNH skal medverka til å løysa ut verdiskapingspotensialet i Hardanger ved å leggja til rette for og gi støtte til regionalutvikling, næringsutvikling og etablerartiltak i regionen.

#### Strategiar:

RNH får si tildeling frå Hordaland fylkeskommune og skal gjennom sine vurderinger av vidare støtte til næringsutviklinga i Hardanger reflektera ei til ei kvar tid gjeldande prioriteringar i Regionalt Utviklingsprogram for Hordaland.

Attraktive og aktiv lokalsamfunn er avgjерande for at folk skal trivast og rekruttera naudsynt kompetanse for næringsliv og etablering..

Dersom følgjande område ikkje er med i gjeldande RUP, så skal RNH leggja slike spesifikke lokale prioritodingsområde til grunn:

##### 1. Nyskaping og kompetanse.

Nye arbeidsplassar i tradisjonelle og utradisjonelle næringar basert på naturgjevne, kulturelle og menneskelege ressursar er hovudmålsetjinga for RNH. Hardanger skal ta del i den innovasjon som kjem fram gjennom kreative kunnskapsbaserte tenesteytarar og stimulera nettverk, nyetablering og til auka etterspørsel etter tenester.

Leggja til rette for tilflytting av kompetansearbeidsplassar. Viktig er det også å setja fokus på fagutdanning samt etter- og vidareutdanning.

##### 2. Internasjonalisering.

Gjennom å utnytta nettverket i industri, kultur og reiseliv, samt aktiv kontakt med VestNorsk Brüsselkontor ilag med Fylkeskommunens sitt Internasjonale kontor, skal næringar og kommunar i Hardanger vera aktive internasjonale aktørar.

##### 3. Landbruksbasert Bygdeutvikling.

Landbruket er eit av dei bærande elementa i næringssstruktur og landskapspleie i Hardanger. Landbruket representerer verdiskaping for samfunnet langt ut over talet på direkte sysselsette i næringa. Reiselivet er avhengig av eit levande landbruk. Ressursgrunnlaget på bygdene må i større grad utnyttast til næringsutvikling og busetjing.

##### 4. Kulturbaserte næringar

Hardanger har dei beste føresetnader for å skapa næring på grunnlag av tradisjonelle og moderne kulturytringar. Levande tradisjonar og blømmande kunstuttrykk må stimulerast til nye inntektpotensiale og næringar med bakgrunn i Hardanger. Kulturbaserte næringar er også gode døme på meirverdien Hardanger gir sine innbyggjarar og gjester.

## 5. Reiseliv.

Hardanger er eit av dei fremste reisemåla i Noreg og del av Fjordane som utpeika det internasjonalt beste reisemålet. Hardanger vil utnytta synergiane mellom reiseliv, landbruk og kultur til nyskaping og vidareutvikling av produkt- og merkenamnet Hardanger.

## **II . Retningsliner.**

### Styre:

RNH skal ha eit styre på 9 medlemmer. Regionrådet (ordførararane) i dei 7 Hardangerkommunane/herada og 2 frå lokalt næringsliv.

### Sakshandsaming.

- Dagleg leiar i Hardangerrådet er ansvarleg for sakhandsaminga. Hardangerrådet kan leiga dette hos næringsselskap eller kommunar i Hardanger. 20% av årleg fylkeskommunale tildelte midlar kan årleg verta sett av til oppbygging av RNH frå 2004. Renteinntekter og anna avkasting vert årleg tillagt fondet.
- Regionalt Næringsfond Hardanger vert lyst ut og tildelt 1 gong i året med søkerndsfrist 01.09.
- Tilsegn om fondsmidlar frå RNH skal normalt trekkjast inn etter 18 månader, dersom tiltaket ikkje er starta opp.
- Før utbetaling skal søker dokumentera fullfinansiering.
- Tildelte midlar kan krevest tilbakebetalte dersom dei ikkje er nyttet etter føresetnadene i søkernden.

### Forvaltningsprinsipp.

- RNH skal gje tilskot til tiltak i dei 7 Hardangerkommunane. Om tiltaket også har verknad for nabokommunar til Hardanger, er dette ikkje til hinder for støtte.
- RNH kan nyttast til støtte til prosjekt i regi av kommunar og kommunale verksemder. RNH kan ikkje nyttast til drift eller investering for kommunar eller kommunale verksemder.
- RNH kan nyttast til etablerarstøtte, prosjektstøtte, forstudie og utgreiingar i einskildverksemder, men ikkje til investering i bygg/faste installasjonar eller drift. RNH skal forvaltast i best mogeleg koordinering med kommunale næringstøtteordningar. Av omsyn til samordning av offentleg støtte, må det i søkernden koma fram kva finansieringskjelder som vert omsøkte. Søker er ansvarleg for at samla offentleg støtte ikkje overstig gjeldande regelverk.
- Tilsegn frå RNH vert utbetalt med 50 % av summen ved oppstart av fullfinansiert tiltak og 50 % når det er levert godkjent rekneskap som viser bruken av midlane ved avslutta tiltak.
- Tilskot inntil 30.000 kr kan utbetalast i ein sum.
- Tiltak som har regionalt perspektiv skal prioriterast ved tildelingar frå RNH.
- Ved vurdering av tilsegn RNH skal ein leggja vekt på realismen for gjennomføring.

Møteboka godkjent 25.4.2013

Ingebjørg Winjum  
Leiar RNH

Hans Petter Thorbjørns  
Styremedlem

Anved Johan Tveit  
Styremedlem